

欽定剿平粵匪方略

欽定剿平粵匪方略卷三百八十四 甲子年

七月初一日 己亥 楊岳斌沈葆楨奏冒侍逆盤踞

崇仁以大股循河而下希圖抄襲六月初四日  
江忠朝席寶田分路進攻衝殺十餘次賊不少  
卻鄭喬隆怒馬當先手刃悍賊數名我軍合力  
蹙之所殺不可勝計騎賊二百餘拌死來援江  
忠朝等以劈山礮轟之斃十餘騎左路之賊遂

退入城席寶田擊其右路賊退踞高埠羅章才  
設伏以待屈得茂誘令深入伏兵突起殪其前  
鋒時城中又出悍黨數千蔣懷清等分投截擊  
殺賊數百何東山呂光榮蔣桂元力戰死之向  
國琛等率槍隊繞出賊後奮勇齊轟賊衆驚潰  
各軍抄偏城根右路之賊亦敗入城是日共斃  
賊四千餘名據生擒賊供侍逆右臂受傷所斃

賊目不少初七日江忠朝復分令各營進取賊  
壘李榮發怒馬衝入斬執旗賊目一名時壘賊  
從後斜出分路來犯適席寶田派熊應文等馳  
至兩軍合勦賊乃大敗追至城下而返復斃賊  
二千餘名現仍嚴飭乘勝進攻以期速復城池  
所有陣亡之把總何東山呂光榮外委蔣桂元  
相應仰懇

天恩飭部從優議卹

楊岳斌沈葆楨又奏言探聞金谿東鄉城池業經被擾六月初一日王德榜由馬岡嶺渡河行抵梅坑橋遇賊數百擒斬過半追至河坊館賊驚惶出走沿途掃蕩逆館十二處殺賊四百餘名生擒僞天燕黃政魁等初十日周寬世由進賢移紮將軍嶺派隊赴東鄉城邊分三路迎勦

賊傾巢出戰周寬世奮擊退之斃賊三百餘名  
其臨崇交界上頓渡之賊憑河築壘胡占魁等  
與之堅持劉于潯添派水陸練勇助之並約會  
王沐普承忠馳往接應水陸夾擊賊棄壘而遁  
上頓渡一帶肅清王沐聞許灣踞逆謀將渡河  
督隊伏於木瓜橋乘其半渡擊之現在王開琳  
王德榜已移紮七星橋與周寬世合圖東鄉俟

東鄉克後卽乘勝規復金谿勿敢稍懈

楊岳斌沈葆楨又奏言據探稱僞老王宗李元茂糾合南豐股逆下竄盤踞鐵子嶺一帶爲崇

逆聲援六月初六日劉典令劉勝祥等分路攻  
剿共斃賊三百餘名生擒四十餘名並斃其援  
天燕趙志篤其分踞羅陂者同日圖犯席營席  
寶田掩殺二百餘名生擒十三名初七日劉典

復督劉勝祥等三路並進行抵馬坪該逆萬餘  
由李村擁至我軍奮勇鏖戰賊梟水遁去殺斃  
溺斃共五百餘名解散千餘名當將李村賊館  
埽平十一日各軍會議合勦席寶田出鐵子嶺  
之左從嶺側卷旗而上襲據嶺右山岡前後夾  
擊殺賊甚夥劉勝祥出鐵子嶺之右並分隊聚  
列山頭四面策應鄒興發等馳至賊館縱火焚



燒賊見火起擁衆奔竄先後共斃賊二千四百  
餘名生擒百餘名鐵子嶺一帶賊館一律肅清  
現仍飭相機剿辦以期乘勝蕩平奏入

上命議政王軍機大臣傳諭楊岳斌沈葆楨曰前因  
楊岳斌奏賊圖力攻撫建橫踞崇仁等處漸成長  
圍之勢擬先由崇宜下手破其狡謀當以所籌深  
合機宜諭令該督等會商辦理現在江忠朝等進

兵崇仁侍逆右臂受傷該逆與李秀城均係一時  
悍黨李秀城既經就擒該逆諒不能久稽顯戮著  
楊岳斌沈葆楨督飭江忠朝等鼓勇前進迅克崇  
仁破賊包抄之計陣亡把總何東山呂光榮外委  
蔣桂元均著交部從優議卹東鄉上頓渡許灣等  
處逆勢漸已不支卽著飭令王開琳周寬世等會  
攻東鄉乘勝規復金谿毋稍鬆勁南豐賊踞已久

若不及早誅鋤大爲腹地之患鐵子嶺已克我軍  
得其要隘卽著督飭劉典會合精毅等營節節進  
剿將僞老王宗股逆奮力剿擊攻克南豐縣城以  
期痛掃逆氛廓清江境

同日

上命議政王軍機大臣傳諭駱秉章曰現在蔡啟等  
逆在陝西滋擾雖經劉蓉等督兵剿辦而賊勢未

襄四川邊界多與陝西毗連設該逆被擊窮蹙乘  
閒窺川不可不豫爲防範昨據曾國藩馳奏金陵  
克復全股悍賊殲除而湖北麻黃一帶賊尙充斥  
該逆等聲稱欲救金陵故銳意東竄此時金陵巢  
穴旣覆此股賊匪聞風喪膽未必仍敢東趨僧格  
林沁已紮光州官文亦進至黃州合力進剿賊見  
我軍勢大必將折向西竄恐其偏近川疆冀圖竄

逸著駱秉章嚴飭沿邊防軍勤加偵探嚴密守禦  
毋令一賊得以闖入以期盡掃妖氛

初二日  
庚子

上諭內閣曰恭親王自簡授議政王以來於今三載  
適值東南等省兵事方殷用人行政徵兵籌餉一  
切深資贊畫弼亮宣猷忠勤丕著軍機大臣文祥  
等翼贊樞廷同心輔治前於蘇杭省城克復各案

內屢欲降旨加恩均經該王大臣等再三懇辭不  
忍重違其意茲當江甯省城克復後紅旗馳報職  
掄首逆本欲援照從前優獎成案降旨施恩乃該  
王大臣等仍復懇切力辭鑒其誠悃不得已酌中  
給予恩施以獎勞動議政恭親王著加恩賞加軍  
功三級仍加賞一貝勒令伊子奉恩輔國公載澂  
受封並封伊子載濬八八分輔國公載溎不入八

分鎮國公軍機大臣工部尙書文祥著賞加太子  
太保銜伊姪凱肇並賞給員外郎分部學習行走  
戶部尙書寶鋆著賞加太子少保銜並賞戴花翎  
工部尙書李棠階著賞加太子少保銜伊子李溶  
並賞給舉人准其一體會試兵部左侍郎曹毓瑛  
著賞加頭品頂戴賞戴花翎以示朕慶賞酬庸之  
意

上又諭內閣曰昨因江甯紅旗報捷省城克復全股  
悍逆悉數殲除乘將在事出力諸臣酬庸錫爵分  
別加恩因思諸王貝勒等分屬宗親誼關休戚允  
宜同被恩綸用昭篤眷惠親王之子奉恩輔國公  
奕詳著晉封奉恩鎮國公不入八分鎮國公奕詢  
奕謨均著賞戴三眼花翎悖親王之子鎮國將軍  
載濂著晉封不入八分鎮國公載津著賞加頭品



頂戴醇郡王著賞給親王銜鍾郡王著賞給紀錄  
四次管理武英殿事務孚郡王著賞給紀錄四次  
管理樂部事務郡王銜貝勒載治貝勒載漪均著  
賞給紀錄三次定郡王溥煦郡王銜貝勒溥莊貝  
勒奕劻禮親王世鐸睿親王仁壽豫親王華豐莊  
親王奕仁克勤郡王晉祺順承郡王慶恩均著賞  
給紀錄二次御前大臣內廷翊衛克勤厥職亦應

一體恩賚景壽著賞選紫韁奕山著晉封一等鎮國將軍德木楚克扎布前經告假現在雖未在京亦應一體加恩著賞給紀錄四次以示嘉賞成功單敷閭澤至意

上又諭內閣曰朕以冲齡踐阼荷蒙兩宮

皇太后垂慈特命祁寯藻倭仁李鴻藻在弘德殿授讀並派倭什琿布伊精阿授讀清文祁寯藻等均能

皇朝通志卷一百一十四  
九

朝夕納誨講貫發明朕於典學之餘深資啟沃茲當巨寇蕩平江南底定祁寯藻等輔弼朕躬同深慶幸允宜共沐恩施祁寯藻倭仁倭什璋布伊精阿李鴻藻均著賞給紀錄二次

上又諭內閣曰總管內務府大臣等平日在內廷行走經理一切事務夙夜在公勤慎妥協茲當江南底定喜報邇來同深慶幸綿森存誠明善均著賞

給紀錄一次

上又諭內閣曰前因江甯克復巨難就職屢經降旨將中外宣力王大臣等酬庸懋賞因思自軍興以來凡屬臣工無不志深敏憤同企捷音允宜普沛恩施以昭優賚所有中外大小臣工均著加恩賞加一級用示闡惠覃敷至意

上又諭內閣曰昨據官文曾國藩等奏到克復江甯

省城全股殄除薄海臣民同深歡慶因念八旗兵  
丁生計未裕值此江南底定捷報馳聞允宜特沛  
恩施俾霑惠愷所有八旗兵丁著加恩賞給一月  
錢糧用示體恤旗營至意

上又諭內閣曰昨因克復江甯紅旗報捷效力行開  
諸臣業已特加恩賞並頒去獎武銀牌四百面分  
賞將士以資有功惟念江南用兵已十餘年所有

各營兵勇衝鋒陷陣奮勇前驅晝夜荷戈備極勞  
瘁近日江甯之役復能於炎暑烈日之中誓死殺  
賊踴躍用命以竟全功而一切在防兵勇或分路  
馳援或嚴防要隘齊心勦力敵愾同仇念其從征  
之苦惻然興懷允宜普被恩施用昭禮恤著江南  
各路統兵大臣暨各該督撫等查明各營弁兵勇  
丁實在出力者除擇尤保獎外餘著分別犒賞以

示朝廷沛澤戎行有加無已至意

上又諭內閣曰蒙古三盟馬隊官兵自隨僧格林沁  
勦賊以來頻年征戰所向有功上年肅清直隸山  
東全境削平張落刑苗沛霖等巨逆骸蒙古馬隊  
甚爲出力本年復掃清豫省進紮皖鄂之交遏賊  
東竄該官兵等從征多年立功數省嚴寒酷暑備  
極辛勞而該大臣向來於蒙古官兵內保舉出力

將士人數尤屬無多從不肯稍有冒濫現當江甯克復行閒士卒均荷恩施該蒙古官兵際此溽暑炎蒸荷戈力戰允宜優加獎賚普沛恩綸所有僧格林沁軍營統帶蒙古馬隊各員著該大臣擇其出力者查明酌量保奏候旨加恩其該營蒙古兵丁並加恩賞銀一萬兩由該大臣糧臺給發以示體恤至吉林黑龍江官兵歷年征戰亦屬著有微



勞並著由該大臣隨時酌量獎勵以昭激勸俟全  
功告成定當同加優賚也

初三日 辛丑 官文奏言六月初二三等日周鳳山

等分紮胡家岡次日提督成大吉馳抵李馬岡  
一帶徧賊而壘會商周鳳山等移營於六合集  
正在築壘該逆盡驅白杲麻城閔家集各路髮  
捻數萬遽擁而來成大吉等分路抵敵槍礮齊

施該逆又分股繞向六合集邁西包抄後路周  
鳳山衆寡不敵前軍小挫成大吉飛率馬隊馳  
援將賊擊退計斃賊二三百名是夜逆首馬融  
和大股驟至四面抄圍斷我糧道成大吉會商  
周鳳山等進攻西面密飭所部捲旗疾趨伏於  
西南玉牌樓賊壘賊館之間十二日併力鏖戰  
勇氣百倍陣斬黃衣賊目一名紅衣賊目五名

該逆紛紛敗退立將玉牌樓一帶賊壘賊館盡  
行燒燬又據副都統富森保等呈稱有賊目黃  
桂元等來營投誠復有石逆餘黨高郭寶等率  
長髮老賊三百餘人赴麻城東門乞降情願殺  
賊贖罪當將新擒之二百三十一名遣散留該  
降目一百四十餘名卽於是夜潛襲附城之沈  
家莊攻破賊館六處現飭築壘南門城外等情

臣查髮捻自前月偏圍麻城並趨黃岡節節牽掣我軍似有久踞之勢白杲大股賊匪合力抗拒擾及新洲宋埠等處阻我餉道查歧亭宋埠爲各軍後路最關緊要必須重兵扼紮姜玉順等營現在襄陽整理軍裝緩不濟急遂飛調駐紮德安之趙克彰三營並駐紮黃州之毅桓等三營扼紮歧亭宋埠爲移緩就急之計適值蓋

斯明由水路趕到卽日令其前進一面飛催姜  
玉順蕭河清等由水陸分道下駛徑赴麻城擬  
分撥一軍由江而前往蘄州會合防軍迎頭包  
襲併力痛勦務期就地殄滅不任東趨其蘇克  
金之軍已抵麻城縣屬之黃土岡惟山路崎嶇  
馬隊難於施展每日由北而伍家河等處進逼  
一經得手卽可會合夾擊亦可分西南賊勢至

江湖支港藏船密布遇賊卽擊旬日以來該逆  
不敢窺伺水面仍飭水師各營晝夜梭巡勿稍  
鬆勁臣前因賊竄黃麻擬紮黃州現在賊旣回  
竄行蹤剽疾我軍後路存在空虛仍須駐紮黃  
陂俟秦軍行抵麻城方可拔營下駛至周鳳山  
前軍小挫雖因衆寡不敵究屬布置未合相應

請

旨拔去花翎以示薄懲奏入

上命議政王軍機大臣傳諭僧格林沁官文張之萬  
曰逆匪盡驅白杲麻城閔家集賊股包抄六合集  
周鳳山前軍進剿失利雖因衆寡不敵究屬布置  
失宜著卽拔去花翎以示薄懲麻城之賊由新洲  
辛家沖擾及歧亭宋埠該處爲各軍後路最關緊  
要官文現調趙克彰三營並毅桓等三營扼紮歧

亭宋埠飭藍斯明由水路前進催姜玉順蕭河清  
由水陸分道徑赴麻城分軍由江面赴蘄州迎勦  
著官文卽飭派出各軍協力進勦蘇克金一軍已  
抵麻城縣屬之黃土岡因山路崎嶇馬隊難於施  
展現由北面伍家河等處進逼英山折回之賊大  
股屯踞麻城勢將回竄黃孝等處均形喫重著僧  
格林沁嚴檄蘇克金等會合楚軍實力掃蕩毋令



該逆再由舊路西竄復肆蔓延金陵攻拔該逆既不敢東趨皖境若再不能退志於楚勢必併竄豫疆以遂其奔突之計光羅一帶尤形危緊著張之萬督飭將弁嚴密堵禦不得因僧格林沁大軍在境防勦專恃客兵轉得置身事外若令該匪關入豫境又成燎原之勢惟張之萬是問賊目黃桂元等赴富森保等營投誠降日高郭寶等率長髮老

賊三百餘人赴麻城東門乞降官文飭令立功贖  
罪著照所擬辦理惟逆匪類多叵測其悔罪輸誠  
自拔來歸者固不乏人而意存反覆往往首鼠兩  
端亦不可不豫爲之防官文當飭屬妥爲辦理毋  
墮詭謀

同日穆圖善劉蓉奏言蔡逆將店子頭老巢退  
出後遂過田峪河移紮焦家巷等處臣等移營

進偏該逆志在堅守六月初七日蔡逆出攻南  
北淇水二堡臣等督率副都統金順馬隊馳往  
援勦繞出賊前斷其要路逆衆五六千人列隊  
抗拒我軍奮力馳突賊勢不支紛紛敗退計殺  
賊四五百名生擒百餘名先是曹克忠移營聚  
林村偏近啟逆之壘逆匪馬步二千餘人運糧  
往北曹克忠督帶馬隊及葉毓廣降衆飛馳邀

擊將該逆截爲數段逆衆拼命抵拒我軍奮力  
截殺立斬長髮老賊七八十名生擒二百餘名  
奪獲贏馬糧食甚多至初八日曹克忠復督各  
部分路出隊齊抵黑水峪西岸以葉毓廣爲前  
導直抵賊堡葉毓廣殲守塚賊數人我軍正  
欲衝突詎該逆潛伏悍賊於黑水峪口及堡之  
前後一見我軍齊進卽分三路圍裏前來葉毓

廣率隊衝入賊中三進三出斃賊二千餘人馬  
隊乘勢衝擊亦斃賊千餘人臣等以兩軍相去  
尚遠未便夾擊函商曹克忠先由西路節節進  
逼適所調隴防三營亦已陸續前來曹克忠遂  
親督所部暨葉毓廣降衆進紮黑水峪西岸築  
壘甫畢該逆分南北兩路衝撲而來南路敢逆  
一股馬賊五百餘人步賊一萬餘人由黑水峪

前渡河進衝曹克忠營盤北路則蔡逆所派馬賊五六百人步賊七八千人由下游迤北渡河曹克忠派撥馬隊並葉統廣各軍疾馳向北以禦蔡逆飛調英毅彝字八營前來會勦曹克忠自率親兵暨龔子雲各部由南路上游攔擊以禦啟逆該逆正欲渡河卽被我軍轟退約斃賊百餘名逆衆亦遂不敢徑渡時英毅等營飛馳

而至奮力衝殺殲賊四百餘名賊遂紛紛東潰  
是夜檢獲老賊數人訊知啟逆有移巢之舉正  
可乘勢追擊曹克忠遂派各軍齊抵東岸果見  
逆衆望東狂竄惟僞天將羅啟發一股尙未出  
巢曹克忠卽率各騎衝出包抄後軍乘勢截殺  
共計殲斃三千餘名生擒二百餘名臣穆圖善  
亦親督馬隊繞過焦家巷察看賊情途遇鄭逆

擄糧股匪追殺數十名查啟逆移紮界上寺之  
西老堡餘黨亦分紮於焦家巷各村之中賊旣  
歸併一處我軍正好兩路合剿因亟約曹克忠  
移紮田峪河之西岸臣等亦卽移紮田峪河之  
東岸以偪之翼日該逆出黨六七千人半列河  
岸半列山邊故作撲營之勢我軍馬隊橫截而  
前勁弩齊發射中執旗賊三名餘賊悉潰伏查



啟鄭諸逆既與蔡逆歸併其勢熾似較強盛然  
欲爲聚戰之計正在此時臣等反覆熟商莫如  
增兵合勦現咨調蕭慶高之湘果中軍由洋縣  
取道佛坪前來會勦而咨催李雲麟迅率所部  
全軍分駐華陽江口各隘以杜分竄至北路渭  
河一帶余福象所部防兵究嫌單薄萬一該逆  
偷越岐扶則鳳寶均覺空虛臣現咨商雷正綰

陶茂林等抽撥曹克忠之隴防四營移紮鳳翔  
豫爲攔截務期併力痛勦以殲羣醜

穆圖善劉蓉又奏言准曹克忠咨稱六月二十  
四日蔡逆親率馬隊五六百人已抵黑峪河東  
岸曹克忠率各將弁渡河迎擊蔡逆中槍落馬  
逆黨拌命擁護總兵王得勝直前撿擊突被飛  
矛刺傷左髀參將周朝旺躍馬而前亦被槍斃

坐騎羣賊環擁蔡逆退竄我軍盡力窮追殲  
悍賊六七十名生擒三十餘名當將生擒各賊  
逐一提訊中有逆目兩名一爲蔡逆之弟僞號  
蔡八帥主一爲蔡逆表兄謝玉春據供蔡逆因  
官軍緊逼意圖偷渡渭河竄往岐鳳一路今親  
來察看灘水淺深是否須搭浮橋不意忽與官  
兵相遇幾被擒獲等語臣等查黑渭夾灘綿長

六七十里平原散漫處處可以偷涉現咨商雷  
正綰等袖撥隴防四營移紮鳳翔以資攔截而  
期周密

穆圖善劉蓉又奏言查葉有洸卽葉毓廣率所  
統八百人自拔來歸曹克忠察其詞意懇切因  
卽收置麾下獎以忠義葉毓廣感激圖報衝鋒  
陷陣每戰必先曹克忠親見其手刃老賊十餘

身之真國之由矣三十一  
三十一  
人其勇敢竟爲諸軍之冠葉毓廣又復函致啟  
逆部下頭目曉以順逆先後來降者計十餘人  
臣等伏思

國家用人不拘一格但肯真心效順奮勇立功何  
妨予以品秩合無顯懇

天恩可否賞給葉毓廣四品翎頂抑或准以都司補  
用以廣招徠之處出自

聖裁奏入

上命議政王軍機大臣傳諭劉蓉李雲麟曰蔡逆被  
官軍擊敗後過田峪河移踞焦家巷等處經穆圖  
善等與曹克忠所部各軍分路截殺連日疊有斬  
擒該逆勢漸窮蹙與啟鄭諸逆合併抗拒穆圖善  
等現紮田峪河東岸並函商曹克忠偪紮田峪河  
西岸擬爲兩路夾擊一鼓聚殲之計惟賊勢尙衆

官軍兵力較單穆圖善等所調蕭慶高一軍由洋  
縣取道佛坪會勦卽著催令迅速前進合力兜擊  
並著李雲麟迅率所部全軍分駐華陽江口各隘  
以杜紛竄蔡逆因官軍緊逼意圖偷渡渭河竄往  
岐鳳一路余福象所部兵力較薄卽著劉蓉等咨  
商雷正綰陶茂林將曹克忠所部飭防四營星速  
調紮鳳翔如賊匪乘閒偷渡渭河卽行攔頭截擊

毋任延蔓並嚴飭余福象就現有防兵探蹤堵截  
毋稍疏懈蔡逆勢窮思竄正當合力協勦將全股  
就地殲除著劉蓉李雲麟等嚴督諸軍與曹克忠  
一軍併力環攻乘賊勢已懈悉數殄除殲擒逆首  
以靖疆圉儻任令擾及他處致裹脅日衆逆燄復  
張惟劉蓉李雲麟等是問降將葉毓廣隨同曹克  
忠勦賊立功深明大義自應量予獎敘劉蓉等請



賞給該降目四品翎頂或以都司補用未免過優  
著改爲賞給六品翎頂嗣後葉毓廣續有功績始  
終奮勉仍可從優保獎也

同日

上命議政王軍機大臣傳諭各路統兵大臣各直省  
督撫曰軍興以來各路軍營由兵勇出身打仗得  
力者歷保參副等官續有勞績無可再加往往奏

請以提督總兵記名簡放朝廷破格用人每逢各路統帥疆臣奏保無不立沛恩施惟提鎮係專閫大員爲通省各營之表率關係極爲緊要嘗有戰勝攻取極爲得力而於平日一切操防事宜閱歷太淺訓練未免失宜迨至驕縱廢弛貽誤戎機被人叅劾朝廷加以嚴譴致有用之材不獲養成大器以備干城之選殊爲可惜嗣後各省督撫各路

統兵大臣凡保舉記名提督總兵者務當另片密  
註堪以勝任字樣或其人材堪造就而於提鎮大  
員尙難稱職不妨給予別項優獎俟其歷練較深  
再畀以專閫重任如有實在不能勝任者亦卽隨  
時奏叅不得稍有遷就以仰副整軍經武培植將  
材至意

同日

上諭內閣曰昨因江甯省城克復首逆就殲榮經先  
後降旨將在事出力各員及內廷諸王大臣等優  
加獎勵惟念此股逆匪起自廣西其始不過游民  
相聚勾結煽惑地方官辦理不善貽患養癰致十  
數省億萬生民慘罹鋒鏑興冒及此疾首痛心現  
在逆首殄除東南漸期底定仰賴

吳蒼默佑

宗

祖垂慈寅感之餘倍深祗懼允宜朝夕乾惕以答

天庥自古君臣安不忘危治不忘亂卽令今日已治已

安猶當戒慎恐懼不自滿假何況浙江安徽尙有

賊蹤湖北江西逆餓方熾雖金陵之根株旣拔餘

賊不難迎刃而解而稍涉怠弛卽恐難於迅速廓

清各該處統兵大臣督撫等務須激勵將士奮勉

圖功以期普奏凱歌使吾民出水火而登衽席現  
在江南等省新復地方閭閻凋敝創鉅痛深老弱  
轉徙流離尙未復業應如何招徠撫恤遂民生而  
蘇民因之處著該督撫詳加籌畫慎選守令實心  
實力辦理其現無軍務省分亦應講求吏治破除  
積習以期久遠又安著各直省督撫再行認真整  
頓於州縣中實心愛民講求治理者隨時奏請獎

屬不職者立即叅劾並將安插降衆安撫難民各  
事宜妥定章程期於辦理盡善其內外大小臣工  
各宜兢惕爲懷勤思職業不得以捷書過至謂海  
內業已承平因而宴安爲懷遂至廢弛公事總期  
上下交儆共濟時艱慎始圖終無荒無怠以鞏丕  
基而躋上治有厚望焉

上又諭內閣曰現在江甯克復巨逆伏誅中外出力

臣工疊經降旨分別獎敘因思戶部兵部堂官或籌備軍需餉項或督辦驛傳事宜均臻妥協允宜同沛恩施所有戶兵二部堂官均著交部議敘

初六日

甲辰

恭親王奏冒

臣前荷

殊恩賞食親王雙俸非分之榮常深悚懼屢欲具疏力辭祇以

溫諭諄諄未敢再三瀆請本年江甯克復復蒙



恩綸下逮

加賞一貝勒令臣子載澂受封並將臣次子載澄三  
子載濬分別

錫封爲公髫齡襁褓主組同膺深維

寵遇之隆彌切滿盈之戒臣誼屬懿親職司輔翼豈  
可貪冒榮遇自蹈愆尤方今金陵雖克而湖北

江西賊氛尙熾陝甘雲貴餘孽未平軍餉浩繁

庫款支絀

皇太后

皇上力行節儉爲天下先且在京王公諸臣之俸糈  
八旗兵丁之月餉猶因帑金不足減成支放未  
能遽復舊章而臣則王公貝勒萃於一門旣忝  
高爵復膺厚祿若猶不痛自抑損仍照舊支食  
親王雙俸不獨滿則必虧徒增咎戾且何以副

知遇之隆而塞天下之望伏祈

聖明俯鑒愚忱明降

諭旨將臣支食親王雙俸之處卽行停止俾臣得稍免清夜之慚益矢涓埃之報感戴

鴻慈實無旣極奏八

上諭內閣曰咸豐十一年冬閒朕奉

慈安皇太后

慈禧皇太后自熱河旋蹕授恭親王爲議政王並以王  
自留京辦事以來諸臻妥協因仰體

皇考文宗顯皇帝酬庸未竟之志宣示

遺命以親王世襲罔替王涕泣固辭不得已降旨從緩  
俟朕親政之年再行辦理先行賞食親王雙俸以  
示優禮昨因江甯逆首就殲紅旗告捷我兩宮

皇太后以王首贊樞廷賢親最著亟思丕承

先緒仍加恩以親王世襲罔替王乃推功諸將再三懇  
辭念其情詞諄切俯如所請僅加恩王之三子載  
澂等於朝廷論功行賞之心初未盡愜茲復據奏  
請將支食親王雙俸之處卽行停止等語覽王所  
奏具見忠愛惻怛出於至誠惟爵以馭貴祿以馭  
富國家詔縉之典古今所同王自簡任樞廷於今  
三載運籌決策成效卓然嗣後慎始敬終忠勤匪

懈行當廓清區宇丕著全功拭目昇平更加懋賞  
至此次嘉賞成功因王搢紳爲懷僅酌中給予恩  
施未嘗加厚若將從前所降恩命遽爾收回亦無  
以昭勸賞之平而示人臣之則恭親王仍著食親  
王雙俸其毋固辭

同日喬松年奏言 臣 恭奉

諭旨訓陳國瑞等軍均已到防卽著飭令迎頭截剿

又奉

諭旨飭臣會同僧格林沁之師前後夾擊臣查賊初入楚之時勢甚剽疾不如以靜待動以逸待勞伺其進而擊之可操萬全勝算商之曾國藩意見相同是以訓練固守以待賊來乃賊忽南忽北迄無定向近日探得賊在羅田盤踞積穀城人以爲久住之計其餘羣賊仍在麻城一帶屯

聚是賊踞羅田麻城以爲巢穴必將逐漸進步  
慮而後動與尋常之飄忽亂竄者不同又當發  
兵進剿大張撻伐庶足折其謀而奪其氣臣商  
諸僧格林沁覆函亦謂擬令陳國瑞從商城進  
剿麻城之賊而陳國瑞書來則擬由英山進剿  
羅田之賊臣思兩策皆善因飭英翰一軍爲陳  
國瑞後路接應之師目下賊匪游弋無定英山



界上曾有賊騎窺伺旋即退去現據該縣稟報  
羅田之賊有南擾蘄水蘄州者尙未東犯英山  
然羅田距英山至近賊匪終必東竄若陳國瑞  
能由英山進兵則迎頭截剿更爲得宜 臣前請  
移紮壽州奉

旨允准現定七月初四日拔營前往惟有聯絡各軍  
慎固封守斷不敢任賊深入奏入

上命議政王軍機大臣傳諭僧格林沁喬松年曰賊  
匪盤踞羅田餘賊仍在麻城屯聚蓄謀甚狡亟應  
乘其盤踞未固大張撻伐前據僧格林沁奏駐紮  
光州之長嶺集居中調度應由何路督率諸軍合  
力兜剿並聯絡楚師夾擊之處著該大臣相機辦  
理務將賊氛迅速殄滅陳國瑞一軍蓄銳已久或  
令從商城進剿麻城攔腰橫截或令由英山進剿

羅田迎頭兜擊著僧格林沁妥籌調度檄令速進  
正陽關地當扼要著喬松年懷遵前旨親往移紮  
一切攻勦機宜隨時稟商僧格林沁協力進取壽  
州地方派定何員駐守並著奏聞

欽定剿平粵匪方略卷三百八十五 甲子年

七月初九日 丁未 富明阿奏言查金陵業經克復

大江南北兩岸全境肅清所有江北水陸各防  
自應妥爲裁撤水師紅單拖罾各船現旣裁出  
二十五隻自應作爲頭批先行責令提督賴鎮  
海管帶起程赴粵其二批師船卽派副將林宜  
華管帶回粵其第三批應裁各大船統由提督吳

全美統帶回粵該總兵責任總統一切自可妥  
爲清理此外尙有礮划二百二十九隻及總兵  
詹啟綸報捐礮划十五隻臣擬酌留一百五十  
五號以爲沿江梭巡彈壓之用其餘一併裁撤  
以節糜費奏入

上命議政王軍機大臣傳諭富明阿毛鴻賓郭嵩燾  
曰現在金陵克復江北防務旣鬆所有裁撤師船

業經富明阿派員陸續管帶回粵卽著飭令吳全美等沿途妥爲彈壓毋令滋事各船勇丁應如何酌量裁撤及分別調撥均著悉心妥辦其餘礙划等船應留應撤之處著富明阿妥爲辦理

初十日

戊申

戶部奏冒軍需報銷必以則例爲斷

然破格懸賞亦難循例開銷自洪逆倡亂以來蔓延十數省滋擾十餘年各省軍需承辦旣非

一人轉戰動經數省且則例所載徵調但指兵  
丁而此次成功多資勇力兵與勇本不相同例  
與案遂相歧出在部臣引例覈案返往駁查不  
過求其造報如例而止要不能於已支之帑項  
再求節省而書吏藉端需索外省或勸捐歸補  
或私設釐卡浮銷冒領百弊叢生臣等擬合同  
治三年六月以前各處辦理軍需未經報銷各

案額懇

天恩准將收支款目總數分年分起開具簡明清單  
奏明存案免其造冊報銷如蒙

俞允應請

飭下各路統兵大臣各直省撫督永禁勸捐歸補名  
目並將私設釐卡實力稽查裁撤以期案牘無  
作僞之情中外無虛糜之費以昭覈實奏入



上諭內閣曰軍需報銷一事本有例定章程惟近來  
用兵十餘年蔓延十數省報銷款目所在多有若  
責令照例辦理不獨虛糜帑項徒爲委員書吏開  
需索之門而且支應稍有不符於例卽難覈准不  
得不著落賠償將帥宜力行開甫邀恩錫旋迫追  
呼甚非國家厚待勳臣之意著照戶部所請所有  
同治三年六月以前各處辦理軍務未經報銷之

案准將收支款目總數分年分起開具簡明清單  
奏明存案免其造冊報銷此係朝廷破格施恩各  
路統兵大臣各直省督撫具有天良務須督飭糧  
臺委員覈實開報不得因有此旨任意影射浮冒  
並著嚴禁勸捐歸補名目及私設釐卡等弊如有  
不肖委員仍以前項情弊巧爲嘗試別經發覺除  
將承辦各員嚴辦外必將各該統兵大臣及各該

省督撫等從重治罪部中書吏如有在各處招搖  
撞騙蒙混包攬者並著嚴行拏辦以懲奸竇

十一日己酉楊岳斌奏言近日崇仁賊聚愈衆圖

犯吉臨等郡雖經江忠朝席寶田悉力擊退其  
勢尙屬猖獗臣會商沈葆楨以撫邵水陸防師  
尙堪固守當飭駐紮該郡城外之王沐一軍移  
紮豐城之秀才埠與崇仁緊連臣亦擬移紮豐

城以固江忠朝等後路現定七月初二日自省  
起程由豐城馳赴崇仁督勦並就近會商劉典  
督同劉勝祥合圖規復飭王文瑞一軍堅扼樂  
安永豐要隘杜賊旁逸提臣鮑超已抵撫郡原  
議直擣宜黃以許灣濂逆圖襲其後須先掃蕩  
庶後顧無患藉通撫建兩郡之氣東鄉踞賊臣  
檄催周寬世等營迅速會攻使與許灣濂逆首

卷之三十三

三

尾莫能相顧臣到崇仁後如江席等軍戰事穩  
固卽親赴各營審度形勢用資整飭惟念皖南  
地當衝要竊恐廣德湖州之賊復循徽甯故道  
上竄江右惟有諄飭徽防唐義訓等營實力堵  
禦至臣所部水軍前留七營會攻金陵茲省城  
已克江外無須多船現已趕調五營來江分布  
贛河上下游以補陸師所未及

同日喬松年奏言查陳國瑞一軍經僧格林沁  
調赴麻城英翰一軍由潁上拔隊調駐商城爲  
該提督後路但麻城賊勢固重而羅田之賊亦  
圖久踞終有竄擾英霍之虞日前臣擬紮壽州  
一面具奏一面函商僧格林沁旋接覆信亦謂  
可以進紮正陽關臣查正陽關在壽州之西六  
十里若防麻城之賊則正陽爲近若防羅田之

賊則正陽稍遠現在陳國瑞等兩軍先後從麻  
城進剿此路定可無虞惟英山空虛六安最爲  
喫緊臣駐壽州與六安較近易於援應俟行抵  
壽州卽赴正陽關權其緩急以期兼顧

喬松年又奏言現在麻城羅田均爲賊擾陳國  
瑞會同蘇克金張曜等進剿麻城必能得手其  
羅田之賊或回救麻城或撲竄英山均未可定

英山在羣山之中兵少不足資守禦今幸金陵  
克復若得勁旅一枝從英山進剿則一戰可以  
成功合無請

旨飭下曾國藩卽挑金陵得勝之師派令從英山一  
路而進與楚師會剿不但皖境安全卽楚省亦  
可肅清

同日陳廷經奏言金陵城池克復天下臣民同



深慶幸惟一切善後事宜正當次第舉行臣竊  
思疆輿宜略爲變通也查長江古稱天險足以  
制敵乃隸江蘇者爲蘇松常鎮淮揚徐通隸安  
徽者爲安廬鳳潁徽甯池太一江之險兩省共  
之自咸豐三年安慶金陵先後失守賊踞長江  
文報梗塞兩省文武各官無所稟承任賊狡獪  
貽誤匪淺今江皖軍務業已肅清欲爲地方畫

經久之策不如以徽州甯國池州太平四府割屬江蘇與江甯蘇州松江常州鎮江爲一省名曰江南以揚州淮安徐州海州通州五府州割屬安徽與安慶廬州鳳陽潁州泗州爲一省名曰江北長江舊有水師分隸江南江北兩巡撫隨時操演或加以操江名目以重事權鎮將各標仍聽兩江總督節制其江南巡撫仍駐蘇州

江北巡撫仍駐安慶其江北之六合江浦原隸  
江甯府可改歸揚州府既分兩省則江南科場  
仍在江甯江北科場改歸安慶其文武各官有  
無應行更移之處議定後再行酌覈辦理如此  
一轉移閒呼應較靈江防益加嚴密矣又勇丁  
宜妥爲安置也江浙投誠士卒爲數甚多自來  
降卒駕馭不得其宜旋降旋叛史冊相望至各

省勇丁由大營招募而來皆無業遊民一旦遣之歸農斷難安靜臣愚以爲各省自用兵以來綠營舊兵半多缺額其存營之兵亦不免老弱充數不如責成各督撫提鎮卽於此項降卒遺勇中擇其技藝精能者充補缺額一入綠營易於鈐束至各省重鎮如直隸大名陝西漢中湖北鄖陽山東兗州兵力皆形不足似宜再增兵

額若干以資鎮守其餘遣散歸農者由營收其  
軍械分起行走籍後嚴密約束庶不至滋生  
事端矣是否可採應請

飭下議政王軍機大臣及各該督撫妥議具奏均奏  
八

上命議政王軍機大臣傳諭僧格林沁官文曾國藩  
楊岳斌喬松年沈葆楨曰江西崇仁之賊圖犯吉

臨等郡楊岳斌擬由豐城馳赴崇仁督勦著卽會  
商劉典督同江忠朝等軍力圖掃蕩並令鮑超等  
將許灣東鄉各踞賊分投勦洗毋任旁窺該督已  
調回水師五營如陸軍單薄亦可咨商曾國藩等  
將金陵陸師酌量調派以厚兵力至安徽援勦之  
師陳國瑞已赴麻城英翰馳駐商城麻城賊勢固  
重羅田之賊亦圖久踞喬松年擬先赴壽州卽赴

正陽關權其緩急期於兼顧所籌尙妥著卽於到  
壽布置後仍遵前旨馳赴正陽關妥籌防剿現在  
羅田之賊悉竄英山金陵得勝之師休息已半月  
有餘著曾國藩調派精兵萬人從英山一路前進  
與楚師會合夾擊以期早日廓清江甯甫經克復  
一切撫綏安輯應行辦理之事甚多曾國藩如不  
能再赴安慶卽著派彭玉麟曾國荃等酌量帶兵

分駐上游以資控扼其皖南之廣德等處恐湖州賊匪續犯江西並著分派勁兵迅圖克復廣德勿任紛竄據御史陳廷經條陳善後事宜一摺內有疆輿略爲變通一條請以徽州甯國池州太平四府割屬江蘇與江甯蘇州松江常州鎮江爲一省以揚州淮安徐州海州通州割屬安徽與安慶廬鳳潁泗爲一省江南江北分設科場各等情與地



方吏治有無裨益著曾國藩李鴻章喬松年酌度  
形勢妥籌具奏其安置勇丁一條疊經降旨令該  
督撫等豫籌善策如何酌量挑補兵額遣散歸農  
之處並著該督撫等妥慎辦理再江甯城內情形  
若何居人能否漸次復業實深廛系貢院有無損  
壞應如何修葺之處著曾國藩查明具奏

上又命議政王軍機大臣傳諭劉長佑閻敬銘曰據

御史陳廷經奏江浙投誠士卒宜妥爲安置等語  
各營兵額原有定制大名兗州兩鎮地方扼要兵  
力是否足資調遣現在江浙軍務漸次肅清投誠  
士卒亟應分撥安置以資鈐束著劉長佑閻敬銘  
悉心體察情形如該二鎮宜酌添兵額或卽以此  
項勇丁撥往防守之處卽著妥議具奏

十二日  
庚戌 官文奏冒髮捻屬聚麻城白杲環偏

營壘阻我糧道六月十四日夜該逆潛出死黨  
數千襲營成大吉傳令各營以二成隊豫伏於  
禾田之內仍以二成隊從營殺出自率親兵居  
中策應三更時該逆大股站立望花山岡以數  
千人過港攻撲我軍火器齊施該逆卻退禾田  
內伏兵突出攔殺斃賊數十名自是該逆不敢  
近營掩撲惟日率死黨萬餘東由望花山道觀

河西由潘家塘易家河等處游弋放火阻我糧  
餉十六日成大吉派隊張旗散入沿村以爲疑  
兵自率馬隊衝入道觀河街口該逆猝不及防  
悉皆驚散我軍馬步衝截斃賊百數十名遂乘  
閒運進米糧三百石十九日偵知陳得才大股  
分賊數千欲向新集等處添築牆壘成大吉會  
商總兵周鳳山楊朝林於是夜四更衝枚疾趨

楊朝林向得勝寺潘家塘進攻周鳳山向易家河進攻成大吉由木牌樓玉牌樓前進行近賊壘該逆正在出隊向新集等處行走成大吉派總兵曾昭仕等乘其不備猛撲而進卽將木牌樓等處賊壘八座立時踏毀該逆紛紛由陳家河向白杲奔竄我軍跟蹤追擊沿途殺斃甚多燒燬賊館數十處生擒賊目吳泳花等二十二

名追至尹唐岡周鳳山楊朝林亦將得勝寺易  
家河等處賊壘及沿途賊館十餘處盡行踏毀  
並追至尹唐岡時白杲之賊傾巢而出排列尹  
唐岡一帶成大吉復商周鳳山等進攻尹唐岡  
自率一軍由望花山葉家臺分路進擊該逆分  
股來拒成大吉督隊齊進立斃悍賊多名都司  
李墳典奮勇督隊又將望花山等處賊卡五座

焚燬該逆仍敗回白杲及胡家松林一帶周鳳  
山楊朝林乘勢將尹唐岡賊壘踏毀斬擒甚夥  
自是糧道疏通各軍勇氣百倍二十五日該逆  
復出馬隊衝撲楊朝林之營步賊仍於山岡築  
壘楊朝林首先衝出立斃馬賊多名步賊望風  
而遁生擒賊日僞朝將一名又總兵梁洪勝紮  
營蘄水探得洗馬畝蔡家河一帶係賴汶洗馬

融和及擒首任化邦分股蔓延六月十七日步賊千餘自蔡家河以下沿村打館我軍吶喊齊進該逆一見卽逃我軍追勦十餘里盡將該處之賊偏入團陂以下北河次日梁洪勝令各營帶隊伏於蔡家河之前自率親兵直進北河撲賊館該逆驚竄我軍前截後追斬擒多名二十一日擒首任化邦帶馬賊數百步賊千餘自



團陂渡河至大仙女廟盤踞另股由博山繞至  
營前四散焚掠梁洪勝卽分派各營出隊痛剿  
該逆奪路狂奔追至河邊殺賊數十名該逆仍  
潰入團陂其由博山竄擾營前之賊聞此股敗  
潰亦全數退去又黃岡壇坪踞賊四出擄掠副  
都統富森保派黃桂元等乘夜劫營富森保親  
帶馬隊接應均有斬擒賊蹤稍爲斂跡臣查麻

城之白晧地方各逆踞爲老巢賴成大吉等連  
次力戰疊挫兇鋒糧路得以疏通而僧格林沁  
所派之色爾固善及善慶兩軍均已抵紮麻城  
自東門以至北門連營六座其蘇克金亦在黃  
土岡由北而進偪所有陝西回援之馬步各營  
藍斯明已紮宋埠譚仁芳扼紮蘄水蕭河清由  
黃岡之上巴河進勦溫德勒克西等均已行抵

黃陂姜玉順亦於六月二十日自樊城拔營計  
日卽可趕到會合成大吉等營由西南併力進  
勦當收夾擊之效臣以金陵旣克下游兵勢甚  
盛卽於七月初一日移營黃岡縣屬之倉子埠  
嚴督各軍務期併力殲除不留餘孽奏入

上命議政王軍機大臣傳諭僧格林沁官文張之萬  
曰髮捻屬集麻城之白果地方環偏營壘阻我糧

道經成大吉等防勦兼施疊獲勝仗糧道得以疏  
通其洗馬阪蔡家河一帶賊匪經梁洪勝等分路  
追殺敗賊潰入團陂黃岡壇坪踞賊復經富森保  
派兵截擊均有斬擒是鄂境各股逆匪勢燄漸衰  
亟應乘勝掃蕩僧格林沁所派之色爾固善及善  
慶兩軍均已抵紮麻城其蘇克金一軍亦在黃土  
岡由北面進偏而自陝回援之藍斯明等各營復

分紮斬黃要隘溫德勒克西等已行抵黃陂姜玉  
順自樊城拔營計日即可到楚大兵雲集聲勢甚  
盛著僧格林沁官文督飭馬步水陸各軍乘金陵  
已克賊心震懾之際併力夾擊盡殄狂氛惟賊計  
狡獪難保不鋌而走險爲避兵之計豫省南路邊  
防最關緊要張之萬務當豫籌布置扼要嚴防勿  
令一賊竄越官文現已移營黃岡並著督飭各路

將弁會合僧格林沁所派之軍將髮捻各逆四面  
兜擊毋令餘匪紛竄鄰省致滋延蔓

官文又奏言軍營帶兵鎮道各員必須紀律嚴  
明兼籌緩急以便相機攻勦至打仗情形尤應  
據實稟報查統領湖北撫標各營提督銜記名  
總兵王桐柏當賊氛密邇不知緩急率以母病  
請假並以資望較淺之總兵李喜溢暫統其衆

旋據李喜溢稟稱四月十九日傳令拔隊出城  
詎營勇藉詞索餉各執器械擅將參將張炳德  
等攔截李喜溢自以約束不嚴請與張炳德王  
德光等一併叅辦嗣臣進紮溝口又查得統領  
毅桓全軍總兵蕭恆勝幫辦參將尙秉衡營官  
周友勝等漫無紀律所部親兵營勇亦因索餉  
凌辱統領蕭恆勝營官周友勝是該營之平日

毫無約束已可概見而參將尙秉衡輒乘隙避  
匿更爲狡猾適以援陝馬步各軍漸次回鄂急  
將王桐柏所部十營蕭恆勝所部三營次第遣  
散又統領凱字各營候補道梁作楫前稟鄖西  
勝仗未盡屬實經臣奏參摘去頂戴仍諭唐協  
和就近密查茲據面稟四月初間河南髮逆爲  
張曜等馬步各軍追擊餘賊無多追沿途擒脅



又圍撲鄖西縣城梁作楫於十二日自鄖郡馳  
援見城外山頭旗幟紛紛不辨是兵是賊頓兵  
未下賊會留新擄之衆牽掣我軍自率老賊遁  
往香口梁作楫帶隊進剿新擄之衆跪道乞降  
隨卽遣散城圍遂解等語覈與梁作楫原稟殺  
賊解圍等情迥不相符臣伏查該鎮道等或不  
知緩急或紀律不嚴或粉飾戰功各有應得之

咨相應請

旨將提督銜總兵王桐柏革去提督銜撤去勇號以  
參將降補總兵李喜溢撤去勇號以遊擊降補  
道員梁作楫革職暫行留營以觀後效並將前  
奏鄖西解圍出力各員存記彙獎之處一併撤  
銷總兵蕭恆勝等一併革職永不敘用並不許  
再赴外省軍營投效以示懲儆奏入

上諭內閣曰總兵王桐柏統領湖北撫標各營當賊氛密邇之時率行託詞請假實屬不知緩急總兵李喜溢參將張炳德遊擊王德光於所部勇丁傳令拔隊時藉詞索餉持械攔阻不能約束實屬庸懦無能總兵蕭恆勝參將尙秉衡副將周友勝所部各營亦因索餉滋鬧毫無紀律尙秉衡輒乘隙避匿尤爲狡猾道員梁作楫前因稟報鄖西勝仗

未盡屬實先經官文奏彙摘項茲據該督查明梁作楫赴援鄖西頓兵未下追賊漸遁去該員帶隊進剿將新據之衆收降遣散城圍遂解與原稟殺賊解圍等情迥不相同實屬意存捏飾以上各員亟應分別懲辦以肅軍律提督銜總兵王桐柏著革去提督銜撤銷勇號以參將降補總兵李喜溢著撤銷勇號以遊擊降補道員梁作楫著卽革職

暫行留營以觀後效並將前奏鄖西解圍出力各員存記彙獎之案一併撤銷總兵蕭恆勝參將張炳德遊擊王德光副將周友勝參將尙秉衡均著卽行革職永不敘用並不准再赴各路軍營投效以示懲儆

十四日

壬子

曾國藩奏言

臣

於具奏克復金陵後

卽乘船駛抵金陵周歷各營接見諸將均有懽

悴可憐之色緣自攻破地堡城後連攻十五晝  
夜未嘗少休又出入地洞之中面目黧黑幾不  
相識其論功居首之李臣典因冒暑受傷督工  
過急克城後一病不起臣弟國荃隨衆露處過  
久徧發溼毒臣宜達

皇仁多方撫慰旣獎其可憫可數之功復策以忘勞  
忘死之義至僞天王洪秀泉逆屍將士積憤之

餘皆欲得而甘心直至六月二十七日始從僞  
宮內搜出臣與臣弟國荃及所帶委員共同相  
驗該逆屍遵尙私教不用棺木徧身皆用繡龍  
黃緞包裹頭禿無髮鬚尙全存驗畢戮屍舉烈  
火而焚之有僞宮婢者係道州黃姓女子卽手  
埋逆屍者也臣親加訊問據供洪秀泉生前經  
年不見臣僚四月二十七日因官軍攻急服毒

身死秘不發喪十餘日始行宣布等語僞幼主  
洪福瑱繞室積薪爲城破自焚之計衆供皆合  
連日在僞宮灰燼之中反復搜尋茫無實據觀  
其金玉二印皆在巷戰時所奪又似業已逃出  
僞宮者李秀城之供亦稱曾經挾之出城始行  
分散李秀城就擒後令寫親供多至數萬字敘  
髮逆之始末述忠會之戰事甚爲詳悉實爲洪



逆死黨理應檻送京師惟以十餘年兵力滅此  
小醜所獲亦非僭號首逆似不必獻俘

關門陳玉城石達開亦有成例可援其僞幅王洪  
芒達係洪秀泉胞兄與其長兄洪芒發皆暴虐  
恣橫多行不義爲李秀城等所深恨李秀城供  
詞文理不甚通適而情事眞確足備查考歷年  
以來中外紛傳洪逆甚富而城破之日積儲全

無實出臣意計之外臣所統之軍太多擬裁撤  
三四萬人仍回安慶料理上游軍事八九月間  
再來金陵經畫一切奏入

上命議政王軍機大臣傳諭曾國藩曰洪芒達李秀  
城二逆前雖有旨解京惟此等內地叛民本與獻  
俘之例不合且究非洪秀泉可比本日明降諭旨  
令該大臣將二逆就地正法著該大臣仍將洪李

二逆首級傳示被擾地方以快人心而息浮議仍著該大臣將李秀城供詞及奪獲偽印等物齎送軍機處備查應辦善後各事應如何籌策萬全該大臣仍當悉心經畫此時回安慶布置上游軍事曾否啟行俟八九月閒仍須回駐金陵籌辦一切事宜彼時曾國荃溼疾諒可全愈卽遵前旨令與彭玉麟分駐九江安慶以固長江門戶至裁撤兵

勇一節雖爲節餉起見然驟撤至三四萬人恐此輩久在戎行不能省事必致隨處嗜聚爲亂從前川楚善後積至數年方始肅清可爲殷鑒不若先汰老弱而以精壯各軍分赴江楚俟江楚一律肅清再議裁撤歸農或挑補各營兵額俾不致復生枝節方爲盡善該大臣其慎以圖之勿貽後患李臣典開空地道得竟全功前已錫之子爵今因傷

病身故殊堪痛惜著該大臣將該故員生平功績  
戰略及此次因傷致病各情形詳悉具奏再降諭  
旨褒卹

上諭內閣曰前諭曾國藩將江甯首逆洪秀泉剗屍  
梟示並將生擒之逆曾李秀城洪芒達二犯派員  
檻送京師茲覽曾國藩奏各將士於六月二十七  
日在僞宮內掘出洪秀泉逆屍經該大臣等驗畢

戮屍焚燬該逆雖逃顯戮於生前難免極刑於身  
後亦足以大快人心其李秀城等被擒時各營降  
卒及附城居民人人皆識並據歷供髮逆始末甚  
爲詳悉等語李秀城洪芒達二犯本擬解京訊明  
處以死刑惟此等跳梁小醜本無所用其獻俘且  
恐沿途派兵遞送騷擾驛傳重累吾民旣據供認  
明確著會國藩無庸派員解京卽於江甯省城將

該二犯凌遲處死並傳首髮逆所到各省以伸天討而儆兇頑

同日楊岳斌沈葆楨奏言據探六月十二日夜崇仁股匪繞由左港過河江忠朝飭徐生德等乘夜掩殺偏之於河槍斃溺斃數百名十六日城中出數萬賊來犯江忠朝席寶田各派隊擊之鏖戰竟日斃賊一千七百餘名是夜賊於城

外添築七壘次日江忠朝席寶田督隊進攻賊  
於嶺上轟礮抗拒江軍擊其左鄧在倫等斬執  
大旗賊目乘勢衝上奪據其嶺礮斃甚夥左路  
之賊潰席軍擊其右羅章才等捨斬悍酋並餘  
賊三百餘名侍逆復集悍黨來戰李發祥卿中  
林死之席寶田調集劈山礮左右環攻韓孝忠  
怒馬陷陣縱橫盪決右路之賊亦潰兩路共斃



賊二千餘名解散千餘名是夜探聞該逆繞竄  
潘橋秀才埠一帶劉典以江席兩軍後路堪虞  
派文首南等馳赴協剿翌日城逆傾巢而出攻  
撲席營席寶田督同劉勝祥等分路齊進賊首  
尾不能相顧奪路狂奔方賊之犯右路也江忠  
朝知賊必伏左路於是夜四鼓傳令各營先行  
襲攻賊壘鼓角一聲左路黃仁遺鄧善燮撲過

賊濠斬關而入江忠珀等繼之遇賊卽砍立將  
賊壘三座踏平賊翻山而走我軍乘勢破賊卡  
十餘處天色向曙城賊又出萬餘由西門抄至  
我軍據嶺而陣賊趨繞嶺側張安南曹仕廷力  
戰死之龔繼昌匹馬當先進偏賊壘劉勝祥等  
冒煙衝入立平四壘忽馬步賊數千從林間突  
出我軍督隊繼進賊勢披靡侍逆復率悍黨數

千來援張宜敏何啟山劉其華力戰陣亡唐本  
有等分軍縱擊侍逆乃退是日斃賊二千餘名  
除飭乘勝進攻外所有陣亡都司何啟山等應

請

飭部從優議卹

楊岳斌沈葆楨又奏言鮑超一軍於六月十七  
日由豐城拔赴橋東適花旗股匪從南豐開道

來援崇仁繞犯秀才埠鮑超擊之擒斬數百名  
賊遁歸崇仁王開琳王德榜均於二十一日移  
紮老虎岡距東鄉城十里甫經築壘城賊卽繞  
出左右山背另以馬步千餘出中路挑戰王開  
琳督親兵禦之斃賊二百餘名王德榜探知賊  
至飭哈必發等突起擊之掩殺二百餘名金谿  
踞逆擾及南城北鄉一帶十七日韓進春令董

德春等帶隊進剿賊聞風先遁僞朝將黃逆率  
黨數千復由大路游弋董德春三面圍攻賊衆  
驚潰追殺百餘名現探聞濂逆聚悍黨於許灣  
爲崇仁聲援臣檄令鮑超由撫州先剿許灣調  
王沐移紮崇仁豐城之交以固江席兩軍後路  
奏八

上命議政王軍機大臣傳諭曾國藩楊岳斌沈葆楨

曰崇仁逆股在城外添築賊壘江忠朝一軍擊其  
左席寶田一軍擊其右左右兩路之賊皆潰該逆  
繞竄潘橋秀才埠一帶城賊傾巢攻撲席軍營盤  
均經官軍擊敗乘勢攻破賊卡十餘處立平四壘  
此次力戰陣亡之都司何啟山守備張宜敏千總  
張安南把總李發祥外委曹仕廷卿中林劉其華  
均著交部從優議卹官軍現在進攻崇仁附城賊

壘著楊岳斌沈葆楨激勵將弁乘勝踏平逆壘迅  
將崇仁克復殲滅侍逆巨股以次進剿漳逆聚悍  
黨於許灣以爲崇仁聲援並著檄令鮑超由撫州  
先勦許灣以孤賊勢王沐卽移紮崇仁豐城之交  
以固江席兩軍後路曾國藩現由金陵仍回安慶  
料理上游軍事前諭該大臣江省如陸軍單薄將  
金陵陸師酌量調派著曾國藩悉心籌畫如須添

兵赴江協勦卽著迅速調撥以厚兵力